

宋史新編

宋史新編卷三十七

志二十三

明南京戶部主事莆田柯維騏著

職官二

東宮

太子太師

太傅

太保

俱從一品

太子少師

少傅

少保

俱從二品

真宗升儲始以宰相李昉兼少傅

仁宗升儲置三少以宰相丁謂等兼是時實爲宮僚餘

多爲前宰執致仕官若太師太傅太保以待宰相未至

僕射者樞密使致仕亦隨本官高下除授太子少師非

經顧命不除若因遷轉則遞進一官至太師卽遷司空

神宗欽宗孝宗光宗在東宮皆不置師傅其後錢象祖

兼少傅史彌遠賈似道兼少師皆宰相兼宮僚也

太子賓客

從三品

至道元年置二人以他官兼至天禧

四年王曾等以執政兼後遂爲故事中興後賓客罕除
開禧立景憲太子始以執政兼後復省

太子詹事

從三品

少詹事

正六品

仁宗升儲始置太子

詹事二人以他官兼光宗升儲以王十朋陳良翰爲太
子詹事不兼他官非常制也少詹事舊未嘗除人

太子左庶子

右庶子

俱從五品

左諭德

右諭德

俱正六品

仁宗神宗升儲始置以他官兼其後左右不並除或

並除無常制

太子侍讀

侍講

俱正七品

神宗升儲始各置一人

太子中舍人

舍人

俱從七品

至道天禧始各置一人中

興省嘉泰復置國初又有太子中允左右贊善大夫太

子沈馬

元豐並改通直郎正八品

及家令率更令悉爲階官

資善堂

翊善

贊讀

直講

俱從七品

說書

皇太子

宮小學教授

資善堂小學教授

正八品

資善堂乃仁

宗爲皇子肄學之所真宗賜名也翊善太平興國中置

政和七年改侍讀爲贊讀侍講爲直講欲有所別也中

興建資善堂於禁中說書教授皆中興以後增置

主管左右春坊事

同主管左右春坊事

承受官

主管春坊二人以內臣兼同主管二人以武臣兼承受一人以內侍充宋制春坊不用儒臣與唐制異

太子左右衛

率府率

從七品司禦以下同

副率

從八品司禦以下同

左右司禦

率府率

副率

左右清道

率府率

副率

左右監門

率府率

副率

左右內

率府

率

副率

官存而無職司至道元年東宮置左清道

率府率副率兼左春坊謁者主贊引天禧二年又以左

清道率郭承慶左右監門副率夏元亨兼左右春坊謁

者中興後不置惟以監門率府副率爲環衛階官

親王府

傅

長史

司馬

諮議參軍

友

記室

參軍

品從八

王府教授

小學教授

品正八

傳及長史

司馬未嘗除人太平興國八年諸王出閣置諮議參軍
記室參軍等職政和去參軍字仁宗爲壽春郡王始置
友至道元年太宗將爲皇姪皇孫置師傅執政謂環衛
官非親王比當有降殺乃以教授爲名咸平初遂命諸
王府官分兼南北宅教授南宅者太祖太宗諸王之子
孫處之所謂睦親宅也眞宗時皇姪皇孫又置侍教自
是南北或有伴讀諸王宮教授舊無定員英宗增置以
教皇族其年十四已下者別置小學教授分教之共二
十七員舊制親賢宅置講書紹興十二年改爲府教授

掌教親賢宅南班宗子淳熙十二年魏惠憲王府亦置
小學教授自後皇姪皇孫皆置教授寧宗改諸王宮學
爲宗學改教授爲博士又置宗諭一員竝隸宗正寺尋
有旨復存諸王宮大小學教授一員

吏部 尚書從二品權尚書 侍郎從三品權侍郎

郎中從六品四司 員外郎正七品四司 司封郎中

員外郎 司勳郎中 員外郎 考功郎中 員外

郎 本部掌文武官吏銓試注擬磨勘考課封敘勳賞
覆謚之政令尚書一人兼文武選侍郎二人分文武選
尚書左選文臣寄祿官自朝議大夫職事官自大理正

以下非中書省敕授者悉掌之是卽舊制審官院以分
中書之權熙寧改爲審官東院者也尚書右選武臣升
朝官自皇城使職事官白金吾階衛仗司以下非樞密
院宣授者悉掌之是卽熙寧所置審官西院以分樞密
之權者也文臣自初任至幕職州縣官侍郎左選掌之
卽舊制流內銓也武臣自借差監當至供奉官軍使侍
郎右選掌之卽舊制三班院也若係中書省樞密院除
授者雖不隸左右選其制命誥敕皆本部奉行郎中員
外郎分領尚書左右選二人侍郎左右選二人司封郎
二人主封敘司勳郎二人主動賞考功郎二人主考課

覆謚考課見選舉志初太宗淳化中廢差遣院總於審
官至道中又罷考課院併於流內銓所謂吏部南曹也
判流內銓事二人以御史知雜以上充掌節度判官以
下州府判司諸縣令佐擬注磨勘之事流外銓掌考試
附奏諸司人吏而已知審官院二人舊以朝官充後用
御史知雜掌考校京朝官殿最擬注之事又有主管官
告院一人舊以知制誥充後只用京朝官其判部事二
人亦以京朝官充其司封以下判司官各一人以無職
事朝官充他部同元豐定官制始正職掌尚書侍郎爲
長貳郎中員外郎合司封司勳考功爲四司他部同六

曹郎官並用理郡守以上資任者充通判以下爲員外郎除授皆視寄祿官高一品以上者爲行下一品者爲守下二品以下者爲試品同則否餘職準此元祐初置權尚書權侍郎班位在試尚書侍郎之下遂爲例南渡後諸曹尚書侍郎互置惟吏部備官舊制吏部侍郎命官兼攝者惟稱左選侍郎或右選侍郎紹熙兼攝者始稱侍左侍郎侍右侍郎而郎官主管左右選者亦加侍左侍右尚左尚右之稱並相承不改四司郎官南渡後或省或兼無常制他部同

戶部 尚書 侍郎 郎中 員外郎 度支郎中

員外郎 金部郎中 員外郎 倉部郎中 員外郎

本部掌天下戶口土地賦稅錢穀土貢征權以佐國
用供軍需及以券責之理直民訟以昏姻繼嗣之道和
人心左曹主之常平義倉免役伍保以救饑饉通貧富
察盜賊及以農田水利之政務稼穡以坊場河渡之課
省科率右曹主之尚書一人總之侍郎二人分左右曹
郎中員外郎參領尚書左右曹二人侍郎左右曹二人
度支郎二人主計度軍需金部郎二人主錢幣征權倉
部郎二人主儲積漕運舊制以天下財計歸三司戶部
置判部事一人以兩制以上充但受天下土貢元會陳

于庭而已元豐定官制始并三司歸戶部中興後侍郎
通治左右曹若幹當公事官元祐以後始置罷復無常
建炎兵興以執政提領措置戶部財用未幾罷三年罷
太府寺隸金部淳熙九年詔戶部郎官兼主管左藏南
庫置主管官舊制權貨務都茶場雜買務雜賣場文思
院左藏東西庫並置提轄官號曰四轄

禮部 尚書 侍郎 郎中 員外郎 祠部郎中

員外郎 主客郎中 員外郎 膳部郎中 員外郎

本部掌禮樂祭祀朝會宴饗學校貢舉僧道技術諸
蕃貢獻之政令凡公主以下選尚后妃親王以下推恩

宗室冠昏喪葬及賜旌節冠帔門戟旌表門閭若圖書表疏之事皆掌之有所損益小則同太常寺大則集侍從官祕書省長貳或百官議定以聞尚書一人總之侍郎一人爲之貳郎中員外郎二人參領部事祠部郎二人主祀典道釋醫藥主客郎二人主賓禮四夷膳部郎二人主牲醴膳羞以供祀饗舊制有禮儀院事在太常寺篇元豐定官制悉歸禮部建炎三年罷鴻臚光祿寺併歸禮部太常國子監亦隸焉

兵部 尚書 侍郎 郎中 員外郎 職方郎中

員外郎 駕部郎中 員外郎 庫部郎中 員外郎

本部掌兵衛儀仗鹵簿武舉四夷之官封承襲天下
封域圖籍輿馬器械驛置廐牧及民兵廂軍土軍蕃軍
簡閱召募配隸之政令尚書一人總之侍郎一人爲之
貳郎中員外郎二人參領部事職方郎二人主封域圖
籍駕部郎二人主輿輦驛置廐牧庫部郎二人主鹵簿
戎器舊制置判部事一人以兩制充元豐始正其名然
武選隸天官兵政屬樞輔職務視諸部獨簡中興後雖
兼太僕如騏驎車輅等院不過每季郎官一往省而已
刑部 尚書 侍郎 郎中 員外郎 都官郎中
員外郎 比部郎中 員外郎 司門郎中 員外郎

本部掌法律獄訟奏讞赦宥除雪敘復之事而財賦
帳籍門關禁令附屬尚書一人總之侍郎二人爲之貳
應定奪審覆除雪敘復移放則尚書專領之制勘體量
奏讞糾察錄問則長貳通治之郎中員外郎各二人參
領部事分左右廳左主詳覆右主敘雪都官郎二人主
徒流配隸比部郎二人主勾覆中外場務倉庫帳籍司
門郎二人主門關津梁道路之禁國初置判部事二人
以知雜御史以上或京朝官充掌覆大辟案淳化二年
增置審刑院知院事一人以郎官以上至兩省充詳議
官以京朝官充掌詳讞大理所斷案牘而奏之治所在

右掖門凡四方以獄上先經大理斷讞既定報審刑院
然後知院與詳議官定成文草奏記上中書中書以奏
天子論決大中祥符三年置糾察在京刑獄司糾察官
二人以兩制以上充掌詳正駁奏在京刑禁徒以上罪
即時以報初諸路財賦出入隸三司熙寧中置提舉帳
司元豐官制行審刑詳議糾察悉罷歸刑部帳司歸比
部元祐中以御史臺刑察兼領糾察刑獄其御史臺刑
獄令尚書省右司糾察財用則總於戶部紹興以後郎
官依元豐舊制仍分左右隆興後都官兼比部司門

工部

尚書

侍郎

郎中

員外郎

屯田郎中

員外郎 虞部郎中 員外郎 水部郎中 員外郎

本部掌天下城郭宮室舟車器械符印錢幣山澤苑囿屯田河渠之政令尚書一人總之侍郎一人爲之貳郎中員外郎二人參領部事屯田郎二人主屯田營田職田學田虞部郎二人主山澤場冶水部郎二人主漕河水利舊制置判部事二人以兩制以上充元豐始止其名工部亦名起部職務視諸曹稍簡凡兵械之制軍器所隸焉乘輿供御之物少府監文思院隸焉建炎併將作少府軍器監歸工部紹興中又以御前軍器所隸工部文思院提轄官一人監官三人監門官三人少府

監既歸工部文思院上下界監官並從本部辟差是
營造頗廣宰臣議戶部給財用工部辦工役誠非一體
欲令戶工兼領其事卒未能合隆興以後宮室器械之
造寢稀且各分職掌部務益簡特提其綱要焉

六部監門 掌司門鑰紹興二年置一員選升朝文臣
有才力人充

主管架閣庫 掌儲藏帳籍文案以備用擇選人有時
望者充舊有幹辦架閣庫官宣和罷紹興十五年復置
吏戶部一人禮兵部一人刑工部一人以主管尚書某
部架閣庫爲名嘉定八年又置三省樞密院架閣官

御史臺 御史大夫從二品 御史中丞從三品 侍御史

從六品 殿中侍御史正七品 監察御史從七品 檢法

主簿俱從八品 本臺掌糾察官邪肅正綱紀大事則廷辨

小事則奏彈御史大夫宋初不除正員只為加官元豐

新制罷不置中丞一人為臺長謂之中司其屬有三院

一曰臺院侍御史一人主貳臺政二曰殿院殿中侍御

史二人主以儀法糾百官三曰察院監察御史六人主

分察六曹及百司之事糾其謬誤唐制御史不專言職

宋制亦多出外任而用他官領風憲天禧始置言事御

史蓋御史得兼諫職也官卑而入殿中監察御史者謂

之裏行景祐元年置亦唐制也國初又置推直官一人專治獄事凡推直有四曰臺一推曰臺二推曰殿一推曰殿二推咸平中又置推勘官十人又祭祀朝會設五使監之曰左巡使主武班曰右巡使主文班曰監祭使曰廊下使曰監香使元豐侍御史裏行推直推勘官及五使之名以知雜御史爲侍御史言事官爲殿中侍御史六察官爲監察御史後復詔殿中侍御史兼察事監察御史兼言事崇寧中禁監察御史言事靖康元年胡舜陟言唐及本朝皆論政事擊官邪崇寧大臣欲其便已遂更成憲詔依祖宗法若檢法官一人檢詳法律主

簿一人勾稽簿書至嘉定初其制猶存以後二職皆闕
三京留司御史臺管勾臺事各一人舊曰判臺掌拜表
行香糾舉違失中興以後不置其六察孝宗以後只三
員或二員宋制執政之親戚不除臺諫執政初除苟有
親戚及嘗被薦引者見爲臺諫皆他徙以妨壅蔽且例
不兼經筵秦檜始亂其法語見前篇

祕書省

監

正四品

少監

從五品

丞

著作郎

俱從七品

著作佐郎

祕書郎

俱正八品

校書郎

正字

俱從八品

本

省掌古今經籍圖書國史實錄天文曆數之事監一人
總之少監一人爲之貳丞一人參領之著作郎一人著

作佐郎二人主宰執時政記左右史起居注所書日曆
會集修纂爲一代之典祕書郎二人主集賢院史館昭
文館祕閣圖籍校書郎四人正字二人掌校讎典籍各
以其職隸於長貳惟日曆非編修官不預歲於仲夏曝
書則給酒食費其弱又有太史局鐘鼓院印曆所算學
乃天文曆數之事卽國初司天監也初太宗置三史館
寓崇文院又建祕閣其中元豐以崇文院爲祕書省自
監少至正字列爲職事官罷直閣直院之名元祐初復
置直集賢院校理五年又置集賢院學士增校對黃本
書籍官紹聖初罷之政和五年新作祕書省殿以右文

爲名宣和增定十八員以倣唐瀛州學士之數紹興不
備置尋參酌舊制校書正字召試而後授五年監少丞
外置著作郎佐祕書郎各二人校書正字十二人隆興
詔監少丞外以七人爲額已復遵祖宗舊制不立額此
祕書省設官沿革之大槩也若乃實錄日曆會要國初
皆號國史遇修纂則於門下省別置編修院宰相一人
領監修國史修撰以朝官充直史館檢討以京官充無
常員天聖修真宗史欲重其任降敕宰相爲提舉參政
副樞爲修史其同修史則以殿閣學士以上爲之編修
官以三館祕閣校理以上及京官充元豐初廢編修院

歸史館官制行廢館職歸祕書元祐初復館職置局編
修實錄日曆以國史院爲名隸門下省紹聖復歸祕書
紹興詔祕書長貳通修日曆以日曆所爲名後又以修
國史日曆所爲名後又以史館爲名置史館修撰直館
檢討等官尋詔祕書著作局專修日曆遇修正史則開
國史院遇修實錄則開實錄院並令宰臣提舉國史則
以監修國史繫銜實錄則以提舉實錄院繫銜其修撰
直史館編修檢討校勘等官悉如舊制淳熙以後或罷
實錄院專置史院或罷史院復開實錄院至嘉泰元年
國史與實錄院並置遂爲定制其會要所乾道四年亦

如實錄之制命宰臣提舉餘以國史日曆所官兼其後
會要接續修纂並隸祕書又有玉牒所見宗正寺篇

殿中省 監 少監 丞 本省掌供奉天子玉食醫

藥服御幄帟輿輦舍次之政令監一人總之少監一人
爲之貳丞一人參領之凡總六局曰尚食尚藥尚醢尚
衣尚舍尚輦崇寧增置六監官又置提舉六尚局又置
管幹官及主簿舊制判省事一人以無職事朝官充雖
有六尚局皆不領於本省尚食歸御廚尚藥歸醫官院
尚衣歸尚衣庫尚舍歸儀鸞司尚乘歸驂輿院內鞍轡
庫尚輦歸輦院神宗欲復建此官度禁中未有其地但

詔御輦院不隸省寺令專達焉徽宗乃出先朝所度
中省圖命三省行蔡京遂上修成殿中省六尚局供奉
庫務敕令格式六十卷政和元年殿中省高伸上編定
六尚供奉式殿中監舊班祕書監下少府監上徽宗升
在給事中之上靖康初詔六尚局並依祖宗法又詔六
尚局既罷格內歲貢品物萬數尚爲民害非祖宗舊制
其並除之

太常寺

卿正四品

少卿從五品

丞從七品

博士正八品

主簿

從八品

協律郎

奉禮郎

大祝

俱從八品

本寺

掌五禮之制度儀式及樂律樂舞樂章若有所更定則

擬上於禮部卿一人總之少卿一人爲之貳丞一人參
領之博士四人主審議儀式及法應諡者考行狀撰諡
文祀事則監視儀物而贊導之簿一人主勾稽簿書協
律一人主大樂奉禮一人主奉幣大祝一人主讀冊舊
置判寺無常員以兩制以上充丞以禮官久次秩高者
充別置太常禮院雖隸太常其實專達有判院同知院
四人祥符中符瑞繁縟別建禮儀院輔臣主判知制誥
爲知院天禧末罷知院天聖中省禮儀院本寺與禮院
事舊不相兼康定初置判寺同判寺始併兼禮院事元
豐正名併禮儀院歸禮部太常始專其職又有郊社介

籍田令

俱正九品

太廟令宮闈令南郊太廟祭器庫什物庫

教坊所諸陵祠墳所皆隸焉又有太醫局

令從七品王管從八品

承正九品教授

崇寧又置大晟府設大司樂為長典樂為

貳次大樂令次主簿協律郎禮樂始分為二宣和二年

罷元祐凡寺監長貳互置惟太常太府不改中興併省

諸寺惟太常大理不廢卿省少卿兼宗正少卿隆興又

省博士初崇寧以太醫局隸國子監隆興罷局只存醫

學隸太常紹興復置局仍隸太常

宗正寺

卿

少卿

丞

主簿

官品並與太常寺同

本寺掌

敘宗派屬籍修纂牒譜圖籍之事卿一人總之少卿一

人爲之貳丞一人參領之簿一人勾稽簿書舊制置判
寺事二人以宗姓兩制以上充元豐官制行詔宗正長
貳不專用國姓蓋自有大宗正司以統皇族也建炎併
歸太常紹興復置凡修纂牒譜圖籍其別有五曰皇帝
玉牒以編年之體序帝系而記其歷數凡政令賞罰封
域戶口災祥之事載焉曰宗支屬籍序同姓之親而第
其服紀之戚疏遠近曰宗藩慶系錄辨譜系之所自出
序其子孫而列其名位品秩曰仙源積慶圖考定世次
枝分派別而系以本宗曰仙源類譜序男女宗婦族姓
昏姻及官爵遷敘而著其功罪生死凡錄以一歲圖以

三歲牒譜籍以十歲修纂以進國初別命官修纂或一員或二員淳化置玉牒所建玉牒殿元豐定官制分隸宗正寺紹興仍建玉牒所殿以宰執爲提舉以待從一人兼修纂宗正卿少而下同修纂但卿不常置隆興併省少卿嘉定以宗學隸宗正寺寺官始預考校之事

大宗正司 知大宗正事 同知大宗正事 知大宗

正丞 本司掌糾合族屬而訓以德行道藝有罪則先劾以聞景祐三年始置司以皇兄節度使濮王知大宗正事皇姪節度觀察留後守節同知大宗正事熙寧二年始置丞以異姓朝臣爲之元豐官制行凡判部判寺

皆正其名獨大宗正司仍稱知置知及同知各一人選宗室團練觀察使以上有德望者充丞二人以文臣京朝官以上充官屬有記室一人教授十有二人初宗室分親疏居京師曰睦親宅曰廣親宅曰親賢宅熙寧間始許居外徽宗時蔡京主紹述卽河南應天置西南二敦宗院置西外南外宗正司以處疏冗者皆置教授建炎初高宗將南幸先徙諸宗室於江淮於是大宗正司移江寧南外移鎮江西外移揚州明年又移西外於泰州高郵軍明年又移福州南外移泉州各置敦宗院其屬尊位高者爲判大宗正事知及同知丞竝依舊

光祿寺

卿從四品

少卿正六品

丞正八品

主簿從七品

寺

本寺掌祭祀朝會宴饗酒醴膳羞之事修其儲備

而謹其出納卿一人總之少卿一人爲之貳丞一人參

領之簿一人勾稽簿書舊制置判寺事一人以朝官以

上充元豐官制行始正職掌其屬有大官從九品主膳

羞割烹翰林司主果實茗藥又有牛羊司乳酪院油醋

庫法酒庫內酒坊大官物料庫外物料庫崇寧置尚食

局大官惟掌祠事中興後廢光祿併入禮部

衛尉寺

卿

少卿

丞

主簿

本寺掌儀衛兵械

甲冑之政令凡內外作坊輸納兵器驗其良窳以歸于

武庫不如式者罰之時其曝涼而封籍其數歲終上計
帳于兵部卿一人總之少卿一人爲之貳丞一人參領
之簿一人勾稽簿書舊制置判寺事一人以郎官以上
充凡武庫武器歸內庫守宮歸儀鸞司衛尉無所掌元
豐官制行始歸衛尉所隸有儀鸞司左右金吾衛司左
右金吾仗司六軍儀仗司內弓箭庫南外庫軍器衣甲
庫軍器弓槍庫軍器弩劔箭庫軍器什物庫宣德樓什
物庫中興後廢衛尉寺併入工部

太僕寺

卿

少卿

丞

主簿

本寺掌車輅廐牧

之政令歲終上計帳於兵部卿一人總之少卿一人爲

之貳丞一人參領之簿一人勾稽簿書舊制凡邦國輿馬之政分隸羣牧司駢驥院諸坊監太僕但掌天子五輅屬車后妃王公車輅給大中小祀羊置判寺事一人以朝官以上充其羣牧司置制置使一人以兩府大臣及兩省以上官充副一人判二人元豐官制行始歸太僕所隸有車輅院左右駢驥院左右天駟監鞍轡庫養象所馳坊車營致遠務牧養上下監元祐置左右天廐坊紹聖置孳生監中興後廢太僕寺併入兵部

大理寺

卿

少卿

俱同寺

正

從七品

丞

同七寺

司直

評事

俱正八品

主簿

同七寺

本寺掌折獄詳刑鞫讞之

事左斷刑右治獄卿一人總之少卿二人分領之正二人推丞四人斷丞四人司直六人評事十有二人參治之簿二人勾稽簿書凡天下奏劾命官將校及大辟囚以下以疑請讞者隸左斷刑則司直評事詳斷丞議之正審之若在京百司事當推治或特旨委勘及官物應追究者隸右治獄則丞專推鞠又以評事司直與正爲斷司以丞與長貳爲議司凡斷案先上斷司看詳然後送議司同議舊制置判寺事一人又兼少卿事一人以朝官充詳斷官八人以京官充常參則兼正未常參則兼丞後罷兼法直官二人後改檢法官亦以京官充凡

天下獄訟大理隨官司決勘不復聽訊但讞其奏案送
審刑院詳訖同署上于朝而已元豐官制行始正職掌
熙寧末神宗謂國初廢大理獄非是詔復置元祐中鮮
于侁請廢之後復置中興卿省置少卿二人損正丞以
下員額隆興二年定評事額八員以雷霆號令星斗文
章爲號淳熙末禁寺官出謁以防請託漏泄之弊

鴻臚寺卿少卿丞主簿本寺掌四夷朝貢

宴勞給賜送迎及國之凶儀中都祠廟道釋籍帳除附
之禁令卿一人總之少卿一人爲之貳丞一人參領之
簿一人勾稽簿書舊制置判寺事一人以朝官以上充

元豐官制行始正職掌其屬有往來國信所掌契丹使
同文館及管勾所掌高麗使禮賓院掌女真回鶻吐蕃
党項等國懷遠驛掌南蕃交州西蕃龜茲等國都亭西
驛及管幹所掌河西蕃部又有中太一宮建隆觀等各
置提點又有在京市務司及提點所又有左右街僧錄
司中興後廢鴻臚寺併入禮部

司農寺 卿 少卿 丞 主簿 本寺掌倉儲委積

苑囿庫務出納之政卿一人總之少卿一人爲之貳丞
一人參領之簿一人勾稽簿書舊制置判寺事二人以
兩制朝官以上充掌供籍田九種大中小祀供奉及平

糴利農之事熙寧中以制置條例司所立常平斂散法
付司農寺增置丞簿而農田水利免役保甲等法悉自
司農講行判寺則呂惠卿鄧綰曾布相繼爲之元豐官
制行始正職掌舊職務悉歸戶部右曹所隸官屬園苑
四玉津瑞聖宜春瓊林苑倉二十有五草場十有二又
有下卸司都麴院水磨務內柴炭庫炭場凡五十建炎
三年罷司農寺併隸倉部紹興以後復置

太府寺 卿 少卿 丞 主簿 本寺掌邦國財貨

及廩藏出納商稅平準貿易之事卿一人總之少卿一
人爲之貳丞二人參領之簿二人勾稽簿書舊制置判

寺事一人以兩制或帶職朝官充同判寺一人以京朝
官充其廩藏貿易四方貢賦百官奉給皆隸三司太府
但掌供祠祭香幣巾祝神席及校造斗升衡尺而已元
豐官制行始正職掌所隸有左藏東西庫舊分南北兩
庫政和建新庫改焉南京北京西京左藏庫內藏庫奉
宸庫祗候庫元豐庫布庫茶庫雜物庫糧料院審計司
都商稅務汴河上下鎖蔡河上下鎖都提舉市易司雜
買務雜賣場市易上下界權貨務交引庫抵當所和劑
局惠民局店宅務石炭場香藥庫元符增丞一人崇寧
置藥局七所又增丞一人宣和末減罷靖康元年詔內

外局所依熙寧法錢物並納左藏庫凡省一百五所建
炎廢太府寺併隸戶部紹興復置自中興後官屬所隸
惟有糧料院審計司左藏東西庫交引庫祗候庫和劑
庫惠民局編估局打套局寄椿庫左藏南庫

國子監祭酒從四品司業正六品丞正八品主簿從八品

國子博士正八品正錄俱正九品太學博士從八品

正錄俱正九品武學博士從八品諭正九品律學博

士從八品正正九品本監掌國子太學武學律學小學

之政令祭酒一人總之司業一人爲之貳丞一人參領

監事簿一人勾稽簿書太學博士十人分經教授卽舊

制國子直講也正錄各五人舉行學規武學博士二人
課兵法卽舊制教授也律學博士正各一人課法律元
豐新官制如此舊制國子置判監事二人以兩制或帶
職朝官充直講八人以京官選人充亦有丞簿各一人
以京朝官或選人充丞第主錢穀出納而已太學亦有
正有錄仁宗朝胡瑗掌太學正錄第補諸生熙寧興三
舍增正錄員額學錄參用學生至元豐遂限員選官爲
之初仁宗以河南府學爲西京國子監置分司官其後
南京北京皆置國子監官崇寧三年詔辟雍置司成司
業各一人四年罷三京國子監官各置司業一人改辟

雍司成爲太學司成總國子監及內外學事學事皆專達仍立學官謁禁國子原無博士正錄大觀始置又置辟雍博士宣和三年辟雍官屬並罷建炎三年詔國子監併歸禮部未幾復舊紹興依元豐之制參用元祐紹聖監學之法而國子亦置博士正錄其後兩學博士正錄增減不常兼攝並置不一乾道以後祭酒司業仍並置正錄不兼權又定國子博士一人太學博士三人正錄共四人遂爲定制若武學中興後定博士學諭各一人並以文臣有出身人充宗學見上王府篇又有書庫官自國初有之監官以京朝官充迄乾道不能廢

少府監

監從四品

少監從六品

丞

主簿

俱從八品

本

監掌百工技巧之政令凡乘輿服御寶冊符印旌節度量權衡之制及祭祀朝會展采備物皆率其屬以供監一人總之少監一人爲之貳丞一人參領之簿一人勾稽簿書舊制置判監事一人以朝官充天子后妃器服分隸文思院後苑造作所元豐官制行始正職掌所隸有文思院綾錦院染院裁造院文繡院舊南郊祭器庫太廟祭器法物庫諸州鑄錢監建炎初以少府監將作監併歸工部紹興三年復置將作監少府事總焉互見工部篇

將作監

監

少監

丞

主簿

官品各與少府監同

本監

宮室城郭橋梁舟車營繕之事凡出納籍帳歲受而會之上下工部監一人總之少監一人爲之貳丞一人參領之簿一人勾稽簿書舊制置判監事一人以朝官充土木工匠之政隸三司元豐官制行始正職掌所隸有修內司東西八作司竹木務事材場麥麴場蜜務丹粉所作坊物料庫第三界退材場簾箔場建炎併將作監歸工部紹興復置隆興營繕浸少百工器用屬文思院以隸工部本監惟置丞一員餘皆虛不除乾道以後人材甚多凡臺省久次與郡邑有聲者悉除監少丞簿自

是號儲才之地而營繕事則俾府尹畿漕分任焉

軍器監

監正六品

少監從六品

丞

主簿

俱從八品

本

監掌監督繕治兵器什物以給軍國之用監一人總之少監一人爲之貳丞一人參領之簿一人勾稽簿書國初戎器領于三司胄案熙寧六年廢胄案乃按唐令置監領之以從官總判增勾當官爲之屬元豐官制行始正職掌建炎併歸工部紹興復置所隸有東西作坊作坊物料庫皮角場南渡置御前軍器所嘉定以後事務稀簡亦爲儲才之地焉

都水監

使者

正六品

丞

主簿

俱從八品

本監掌中外

川澤河渠津梁堤堰䟽鑿浚治之事使者一人總之丞
二人參領之簿一人勾稽簿書舊制都水隸三司河渠
案嘉祐三年始專置監領之判監事一人以員外郎以
上充同判監事一人以朝官以上充丞二人簿一人並
以京朝官充丞治水干外者號曰外監元豐官制行始
正職掌又有南北外都水丞各一人都提舉官八人監
埽官百三十有五入皆分職蒞事卽干機速非外丞所
能治則使者行視河渠事先是導河入洛置汴河堤岸
司至是歸都水所隸又有街道司宣和罷南北外都水
丞司紹興九年復置各一員南丞于應天府北丞于東

京置司十年詔都水事歸工部

司天監 監 少監 丞 主簿品以上 春官正 夏

官正 中官正 秋官正 冬官正俱正八品 靈臺郎

保章正俱從八品 挈壺正正九品 掌察天文祥異鐘鼓漏

刻寫造曆書監少闕則置判監二人以五官正充元豐

官制行罷司天監立太史局隸祕書省置太史令而正

與丞爲之貳五官正以下各一人如舊制其判局同判

局亦以五官正爲之太史局丞從八品

宋史新編卷三十八

志二十四

明南京戶部主事莆田柯維祺著

職官三

殿前司

都指揮使

從二品

副都指揮使

正四品

都虞

候

從五品

宋初沿後周之制置殿前司設都指揮使以

下等職各一人掌殿前諸班直及步騎諸指揮之名籍

凡統制訓練蕃衛戍守遷補賞罰皆總其政令入則侍

衛殿陛出則扈從乘輿大禮則提點編排整肅禁衛鹵

簿儀仗掌宿衛之事後周有都點檢在都指揮使之上

太祖由此受禪遂不復置都指揮使以節度使爲之副

都指揮使都虞候以刺史以上充資序淺則曰主管本
司公事馬步軍亦如之 騎軍有殿前指揮使內殿直
散員散指揮散都頭散祇候金鎗班東西班散直鈞容
直及捧日以下諸軍指揮 步軍有御龍直骨朶子直
弓箭直弩直及天武以下諸軍指揮 諸班有都虞候
指揮使都軍使都知副都知押班 御龍諸直有四直
都虞候本直各有都虞候指揮使副指揮使都頭副都
頭十將將虞候 騎軍步軍有捧日天武左右四厢都
指揮使從五品 捧日天武左右厢各有都指揮使每軍有
都指揮使都虞候每指揮有指揮使副指揮使每都有

軍使

步軍曰都頭

副兵馬使

步軍曰副都頭

十將將虞候承勾押官

各以其職隸殿前司按諸班自殿前指揮使而下舊制有川班殿直內員僚直開寶中廢又有外殿直熙寧中廢其弩手龍旗直招箭班皆隸東西班捧日舊名鐵騎太宗改日騎又改捧日自捧日而下曰歸明渤海曰拱聖曰驍騎曰寧朔曰龍猛曰神騎曰驍雄曰吐渾直曰清朔曰擒戎曰步鬪舊制又有契丹直新立內員僚直殿前小底後廢又有驍勝飛猛安慶直三部落吐渾小底捧日又有左射捧日鋸直捧日弩手捧日皆熙寧中廢諸直自御龍直而下皆以御龍冠之太宗初改簇御

直爲簇御龍直後改御龍直天武舊名控鶴太宗改天
武自天武而下曰神勇曰雄勇曰廣德曰廣勇曰廣捷
曰雄威曰龍騎舊制又有宣武虎翼神射宣威天武又
有寬衣天武鎚直天武左射天武皆熙寧後廢諸班直
專扈從員額無多捧日天武而下指揮分布中外多者
至四十員熙豐頗省併中興亦有異同諸班增銀鎗班
茶酒舊班茶酒新班捧日而下增選鋒軍神策選鋒軍
左翼軍右翼軍摧鋒軍遊奕軍前軍右軍中軍左軍後
軍護聖馬步軍天武而下增勝捷威勝威捷全捷前軍
右軍中軍左軍後軍其都指揮間虛不除則以上管殿

前司一員任其事又立統制統領分任之而都虞候不復置屬有幹辦公事主管禁衛二員準備差遣準備差使點檢醫藥飯食各一員書寫機宜文字一員侍衛司設官倣此大抵渡江草創三衙之制未備然宿衛彪士與在外諸軍同名又遙帶外路總管鈐轄皆非舊典乾道中洪邁議正三衙軍制改諸軍爲諸宿改都統制以下爲都虞候指揮使有事命將則旋立總管鈐轄各將所部以出要使宿衛之職預有等差士卒之心明有所繫異時拜將必無一軍皆驚之舉於以銷壓未萌循名責實雖環衛不置可也時不果行淳熙以後四廂之職

多虛而殿司職司有權管幹有時暫照管之號愈非乾道以前比矣

侍衛親軍馬軍

都指揮使

副都指揮使

俱正五品

都

虞候

從五品

各一人掌馬軍諸指揮之名籍所總政令

如殿前司所領馬軍自龍衛而下有左右四廂都指揮使龍衛左右廂各有都指揮使每軍有都指揮使都虞候每指揮有指揮使副指揮使每都有軍使副兵馬使十將將虞候承勾押官各以其職隸馬軍司宋初沿五代之制置侍衛馬步軍共一司其職比殿前司尤崇淳化元年傳潛自殿前副都指揮使咸平三年王超自殿

前都指揮使皆遷待衛親軍馬步軍都虞候自王超罷
職無復任者而待衛司馬軍步軍遂分爲二并殿前號
三衛而馬步二軍自是居殿前司之下龍衛舊名龍捷
太宗改焉自龍衛而下曰驍捷曰雲騎曰武騎曰驍武
曰廣銳曰雲翼曰有馬勁勇曰廳子曰無敵曰克勝曰
飛騎曰威遠曰克戎曰萬捷曰雲捷曰橫塞曰蕃落曰
并州騎射曰有馬雄略曰崇捷曰崇銳曰清澗騎射曰
員僚剩員直舊制又有八員僚直在龍衛之上元豐中
廢龍衛而下又有忠猛散員驍銳飛捷騎捷驍駿忠銳
威邊清塞武清有馬安塞歸明神武馬龍衛又有銳直

龍衛左射龍衛及帶甲剩員皆熙豐中廢諸指揮分布
中外多者至百員熙豐頗省併中興亦有異同廢并州
騎射有馬雄略崇捷銳捷增前軍右軍中軍左軍後軍
若乃諸路廂兵馬軍自騎射而下其名凡五十各置指
揮亦屬侍衛馬軍司前後增損不能悉載

侍衛親軍步軍

都指揮使

副都指揮使

俱正五品

都

虞候

從五品

各

一人掌步軍諸指揮之名籍所總政令

如殿前司所領步軍自神衛而下有左右四廂都指揮
使神衛左右廂各有都指揮使每軍有都指揮使都虞
候每指揮有指揮使副指揮使每都有都頭副都頭十

將將虞候承勾押官各以其職隸步軍司神衛舊名虎
捷太宗改焉自神衛而下曰虎翼曰奉節曰步武曰武
衛曰雄武曰神銳曰振武曰新立弩手曰威猛曰雄勝
曰歸恩曰澄海弩手曰神虎曰保捷曰捉生曰清邊弩
手曰制勝曰定功曰青澗曰平海曰効忠曰川効忠曰
宣毅曰建安曰威果曰効順曰揀中雄勇曰懷順曰歸
聖曰順聖曰懷恩曰勇捷曰威武曰平塞弩手曰忠勇
曰寧遠曰忠節曰神威曰歸遠曰雄略曰招收曰壯勇
曰橋道曰清塞舊制又有飛虎來化懷勇威寧建威揀
中懷愛靜戎弩手宣毅床子弩砲手神衛又有水軍皆

熙寧中廢諸指揮分布中外多者至一百八十員熙豐頗省併若崇武崇威敢勇靖安廣固通濟清衛刀牌手則崇寧以來所置也中興亦有異同雄武加平海字澄海弩手加水軍字以廂軍勁勇壯武靜江隸步軍廢崇武以下六軍增振華安遠奉先園武寧威勇忠果雄節必勝前軍右軍中軍左軍後軍若乃諸路廂兵步軍自武和而下其名凡二百二十有奇各置指揮亦屬侍衛步軍司前後增損不能悉載云

環衛

左右金吾衛上將軍

從二品

大將軍

正四品

將

軍

從四品

中郎將

郎將

左右衛上將軍

從二品

大將軍

正四品

將軍

從四品

中

郎將

郎將

左右驍衛上將軍

從三品左右
武衛以下同

大將軍

正四品左右
武衛以下同

將軍

從四品左右
武衛以下同

左右武衛上將軍

大將軍

將軍

左右屯衛上將軍

大將軍

將軍

左右領軍衛上將軍

大將軍

將軍

左右監門衛上將軍

大將軍

將軍

左右千牛衛上將軍

大將軍

將軍

中郎將

郎

將 自左右金吾以下將軍以上並為環衛官無定員

悉命宗室爲之亦爲武臣贈典大將軍以下又爲武臣
責降散官蓋禁兵分隸殿前侍衛司故十六衛諸將軍
皆虛銜無職掌政和嘗改武臣官制而環衛如故靖康
元年詔以節度使錢景臻等爲左右金吾衛上將軍用
陳過庭言遵藝祖罷王彥超等歸環衛故事也中興環
衛多闕孝宗謂非祖宗儲材均任之制復置十六衛以
方鎮兼領如節度使則領左右金吾衛上將軍承宣使
則領左右衛上將軍在內則兼在外則否以十員爲額
宗室不在此制嘉泰中甲明隆興之詔屏除貪得妄進
以重環尹之任嘉定二年以臣僚言專以曾爲兵將有

功績及名將子孫有才略者充皆儲材之意也初崇寧
四年二月倣古制立三衛曰親衛曰勳衛曰翊衛三衛
置郎一員中郎爲之貳文武各一員轉士二員主簿一
員親衛府勳衛府各置郎十員中郎十員翊衛府郎中
郎各二十員文武各四十員用外戚勳舊及刺史團練
之子孫分充其三衛郎治府事日率屬分直殿陛長在
左立起居郎之前貳分文武爲東西立都承旨之後親
衛立殿上兩傍勳衛立朵殿翊衛立兩階衛士之前五
年正月罷

皇城司 卽漢之羽林唐之北衙也舊號武德司太平

興國改焉幹當官七人以武功大夫以上及內侍都知
押班充掌宮城出入之禁令凡周廬宿衛之事宮門啓
閉之節皆隸焉凡臣僚朝覲上下馬有定所自宰相親
王以下所帶人從有定數揭榜以止其喧闐所隸官屬
有藏冰務紹興二年改行宮禁衛所爲行在皇城司提
舉官一員提點官二員幹當官五員後又詔皇城司依
祖宗法不隸臺察

御前忠佐軍頭引見司 宋初但曰軍頭引見司端拱
元年改軍頭司爲御前忠佐軍頭司引見司爲御前忠
佐引見司軍頭司掌崇班供奉及諸州駐泊捕捉之事

引見司掌軍頭名籍諸軍搜閱引見之事中興以來提
點官幹辦官並以閣門官充紹興三十二年詔知閣官
兼則稱提點宣贊舍人閣門祇候兼則稱幹辦乾道三
年詔提點幹辦共以四員爲額

客省使

從五品

副使

從七品

使副各二人掌國信使見

辭宣賜及四方進奉四夷朝覲貢獻之儀受其幣而賓
禮之掌其饗餼飲食客省使與引進使四方館使東西
上閣門使皆爲武臣崇秩其供職于內者多用國戚世
族禮均侍從云

引進使

從五品

副使

從七品

使副各二人班四方館上

使闕則客省四方館互兼掌臣僚蕃國進奉禮物之事
元豐七年詔客省四方館使副領本職外秩高者一人
兼領閤門事靖康元年詔客省引進司四方館西二閤
門爲殿廷應奉與東上閤門一同隸中書不隸臺察
四方館使掌文武官及諸道慶賀起居章表受而進
之國初用檢校官判後置使二人建炎初以客省四方
館併歸東上閤門

東上閤門

西上閤門

使

正六品

副使

從七品

宣贊

舍人

從七品

祇候

從八品

閤門掌朝會宴享供奉贊相

禮儀之事若慶禮奉表則東上閤門主之慰禮進名則

西上閣門主之使各三人副使各二人竝以處勳戚通
事舍人十人祇候十有二人非熟於朝儀者不預此選
宋制以舍人祇候號閣職與文臣館職均爲儲養賢才
云元祐元年詔客省四方館閣門竝以橫行通領職事
政和改橫班使副之名爲大夫命內外官爲知閣又改
通事舍人爲宣贊舍人靖康初監察御史胡舜陟言閣
門之職祖宗所重員數有限今舍人一百八員祇候七
十六員看班四員內免職者二百二員由宦官恩倖以
求財朱勔父子交賣尤多富商家子往往得之乞賜裁
省乃詔立員額建炎初以知閣兼客省四方館紹興五

年詔右武大夫以上並稱知閤門事兼客省四方館事
若官未至右武大夫卽稱同知同兼序知閣之下其後
舍人祇候裁定以四十員爲額乾道中倣儒臣館職之
制召試中書然後命之淳熙間增重薦舉閤門祇候之
制必廉幹有方略善武藝兩任親民無遺闕及會歷邊
任者充慶元初申嚴閤門長官選擇其屬之令非右科
前名之士不預召試蓋庶幾復祖宗之舊焉

帶御器械 宋初選三班以上武幹親信者佩橐鞬御
劍或以內臣爲之初名御帶咸平改爲帶御器械景祐
中以六員爲限慶曆詔以歷任有邊功者充中興初諸

將在外多帶職蓋假禁近之名爲軍旅之重其後增置四員近侍亦或得之淳熙以後其職益加重焉

入內內侍省 內侍省 宋初有內中高品班院及內

班院太宗真宗改定曰入內內侍省曰內侍省兩省號

爲前後省而入內省尤爲親近通侍禁中役服褻近者

隸入內內侍省供侍殿中備洒掃之職役使雜品者隸

內侍省入內內侍省有都都知副都知押班俱正六品

內東頭供奉官內西頭供奉官俱從八品內侍殿頭內侍高

品俱正九品內侍高班內侍黃門俱從九品內侍省有左班都知

副都知右班都知副都知押班俱正六品其供奉官以下職

名並同入內內侍省自供奉官至黃門以二百八十人

爲定員凡內侍初補曰小黃門經恩遷補則爲內侍黃

門遷至都都知遂爲內臣之極品其官稱則有內客省

使延福宮使

俱從五品

宣政使宣慶使昭宣使

俱正六品

元豐議

改官制張誠一欲易都知押班之名置殿中監以易內

侍省旣而宰執進呈神宗曰祖宗爲此名有深意豈可

輕議政和二年遂易官名而黃門之名如故詳見後其

屬有御藥院勾當官四人以入內內侍省充往來國信

所管勾官二人以都知押班充後苑勾當官無定員以

內侍充掌池沼臺殿種藝雜飾以備遊幸造作所掌造

作禁中及皇屬婚娶之名物龍圖天章寶文閣勾當官
四人以入內內侍充掌藏祖示文章圖籍及符瑞寶玩
之物而安像設以崇奉之合同憑由司監官二人掌禁
中宣索之物給其要驗內東門司勾當官四人以入內
內侍省充掌宮禁人物出入而譏察之軍頭引見司勾
當官五人以內侍省都知押班及閤門宣贊舍人以上
充掌供奉便殿詳見前翰林院勾當官一人以內侍押
班都知充總天文書藝圖畫醫官四局凡執伎以事上
者皆在焉中興以來深懲內侍用事之弊禁前後省使
臣不得與兵將往來內侍官不待出謁及接見賓客紹

興末汰冗費併內侍省歸入內內侍省舊制內侍遇聖節許進子年十二試墨義中程者候三年引見供職孝宗卽位罷會慶節進子仍定以二百人爲額乾道間以差赴德壽宮應奉闕人增至二百五十人紹熙三年依宰臣奏中官只令承受宮禁中事不許與聞他事

開封府

牧

從二品諸府牧同

尹

從三品

少尹

判官

推官

俱從六品

司錄參軍

正七品

功曹參軍

倉曹參軍

戶曹參軍

兵曹參軍

法曹參軍

士曹參軍

俱正七品

八品

宋承五代都汴故開封爲京府掌以教法導民而

勸課之中都獄訟凡受而聽焉小事則專決大事則稟

奏若承旨已斷者刑部御史臺毋輒糾察大禮橋道頓
遞則爲之使仗內奉引則差官攝牧牧尹少尹不常除
太宗真宗皆嘗爲尹自至道後爲知府者必帶權字額
一人以待制以上充推判官四人司錄通書六曹之案
牒并六曹參軍各一人又有左右軍巡使判官各二人
正八左右廂公事幹當官四人崇寧三年蔡京奏乞罷
權知府置牧一員尹一員專總府事少尹二員分左右
爲之貳牧以皇子領尹以文臣充以士戶儀兵刑工爲
六曹次序增置司六曹事員額開封祥符兩縣置案牒
此而易其胥吏之稱略依唐六典之制又請移府治所

於舊尚書省從之五年詔開封官屬參軍等並依舊員額大觀二年詔天下州郡並依開封府分曹置掾政和又置主簿架閣官一員

臨安府 中興駐蹕杭州改為臨安府是爲行都故職掌與開封同尹少尹不常除置知府一人通判二人其屬有簽書節度判官廳公事節度推官觀察推官觀察判官錄事參軍左司理右司理司戶司法參軍各一人城外內分南北左右和各置廂官以聽民之訟訴分使臣十員以緝捕在城盜賊立五酒務置監官以裕財用分六都監界分差兵一百八十鋪以巡防煙火置兩總

轉承受御前朝旨文字置案如崇寧開封之制乾道七年皇太子領臨安尹就東宮爲解廢通判簽判置少尹判官推官少尹依淳化差侍從以上判官依天聖用郎官以上餘曹掾依舊九年皇太子辭臨安尹其知通簽推判官並設置

河南應天府 河南府爲西京應天府爲南京故設官略與開封府同其職掌亦同牧尹少尹不常除闕則置知府事一人通判一人判官推官各一人其屬有司錄戶曹法曹士曹參軍士曹或蔭敘起家不常置助教有特恩而授者不釐務使院牙職左右軍巡悉同開封

次府 次府如興元京兆河中江陵等府是也牧尹少尹不常除真宗時以楚王元佐爲興元牧後以爲江陵牧自餘無爲者尹以下所掌竝同開封府尹闕置知府一人通判一人其屬有司錄戶曹法曹士曹司理文學助教使院牙職竝同開封

節度使

從二

宋初無所掌其事務悉歸本州知州通

判兼總之亦無定員太祖以節度使受禪特重其選其班於六曹侍郎之上恩數與執政同初除鎖院降麻其禮尤異以待宗室近屬外戚國增年勞久次者若外任除殿帥始授此官亦止於一員或有功勳顯著任帥

守於外及前宰相執拜者尤不輕以又遵唐制以節度使兼中書令或侍中或中書門下平章事謂之使相以待勳舊及宰相久次罷政者隨其舊職或檢校官加節度使出判大藩通謂之使相自使相復除宰相罷節度使還舊官慶曆中夏竦自使相入樞密仍帶節度使非常制也元豐改使相爲開府儀同三司其後檢校太傅韓絳判大名以鎮江軍節度使爲開府儀同三司太師平章軍國重事文彥博致仕爲開府儀同三司充護國軍山南西道節度使左僕射蔡京亦爲儀同三司安遠軍節度使然則節度使之名未嘗廢也宣和末節度使六

十人宦者童貫梁師成預焉中興諸將有兼兩鎮三鎮者紹興中曹勛韓公裔乾道中曾覲嘉泰中姜特立譙令雍皆以攀附恩得之其僚屬有節度副使行軍司馬俱蹤亦沿唐制但不釐務只爲大臣責降散官

承宣使

正四品

宋沿唐制方鎮置節度觀察留後政和

七年改爲承宣使宋初留後及觀察使竝不得本州刺史大中祥符七年始檢討故事命兼領之凡承宣使觀察使防禦使團練使刺史無定員落階官者爲正任帶階官者爲遙郡朝謁御宴惟正任預焉遙領者竝止本官敘遷政和中詔承宣觀察使仍不帶持節等被節度

使在唐爲闔帥觀察團練使在唐爲監司防禦使在唐爲邊將刺史在唐爲郡守至宋則闔帥監司邊將郡守各別置官稱而節度承宣觀察團練防禦刺史俱無職任特以爲武臣遷轉之次序云

觀察使

正五品

語見前篇

防禦使

從五品副使從八品

團練使

從五品副使從八品

諸州刺史

從五品

品

唐防禦使在團練使之下宋陞之於上橫行諸司

使帶遙郡防禦者或年勞至深或邊功優異卽落遙郡爲正任其外官初除管軍卽帶正任刺史隨其人見帶遙郡就除之欽宗受禪臣僚言遙郡正任恩數遼絕自

遙郡遷正任者合次第轉行今乃直超本等正官是皆
姦巧躡取乞遷遙郡承宣使除正任者只除正任刺史
從之事互見前條

大都督府 都督府 大都督府在上府之上如兗徐
潞陝揚杭越福諸州是也大都督及長史掌司牧尹不
常除只以命諸王之建節者親王爲節度則大都督領
之庶姓爲節度則長史領之太宗時吳王越王建節以
大都督府長史繫衝張洎言其誤後遂改爲大都督語
在洎傳大都督長史闕則置知府事一人通判一人左
右司馬不釐務其屬有錄事參軍司戶司法司士司理

文學參軍助教凡都督州建官如上南渡後以見任宰相充都督次有同都督有督視軍馬多執政爲之雖名稱略同然掌總諸路軍馬督護諸將與舊制殊非宰執爲都督自楊存中始王之望辭同都督有曰朝廷於兩淮前以二大將爲招撫使後以二從臣爲宣諭使憂其不相統攝則以宰相爲都督欲事權歸一也此可以見朝廷開府之意設屬諮議軍事參謀參議並以從官充書寫機宜文字幹辦官準備差遣前後員數不一宣撫使 副使 判官 使掌宣布威靈撫綏邊境及統護將帥督視軍旅之事而副使爲之貳判官爲之贊

皆因事而後置使以執政充若前宰相爲宣撫者渡江
後惟李綱呂頤浩朱勝非三人紹興初劉光世以使相
宣撫淮西武臣非執政爲宣撫自光世始文臣非執政
爲宣撫自李光始亦有身爲正使兼領副使者如安丙
於四川是也亦有不置使而置副者如胡世將於川陝
岳飛於荆襄楊沂中於淮北是也若宣撫判官熙寧中
直舍人呂大防嘗爲之實上幕也紹興十年楊沂中以
太尉爲淮北宣撫副使劉錡以節度使爲判官禮抗權
灼猶轉運使副判官之止宣撫司之始又有參謀參議
機宜幹辦公事等官

經略安撫使 掌一路兵民之事干機速邊防及士卒
抵罪聽以便宜裁斷帥臣任河東陝西嶺南路職在綏
御戎夷則爲經略安撫使兼都總管以統制軍旅所以
重帥權而服羌夷也有屬官典領要密文書奏達機事
若河北及近地則使事止於安撫而已凡屬官有幹當
公事主管機宜文字準備將領準備差使東都以前諸
路安撫或以侍從或以執政或以知州兼必曾歷侍從
乃得兼品卑者稱主管某路安撫司公事中興以後守
臣職名崇者皆可兼使如二品以上卽稱安撫大使凡
帥府皆帶馬步軍都總管李綱建議於沿河沿淮沿江

置帥府以文臣爲使武臣爲副淳熙中揚州廬州荆南襄陽金州興元興州分爲七路每路委文臣一人充安撫以治民武臣一人充都總管以治兵諸路帥府倣此慶元以後惟廣東西兩路帶經略使

走馬承受 諸路各一員仁宗時置以三班使臣及內侍充隸經略安撫總管司無事歲一入奏有邊警則不時馳驛上聞政和六年改爲廉訪使者多侵監司凌州縣而預軍旅刑政之事靖康初復舊制爲走馬承受宣諭使 掌宣諭德意不預他事歸卽結罷紹興元年詔祕書少監傅崧年充淮南東路宣諭使此其始也其

後或以二府充使權益重而使事始不專虞允文王之望相繼宣諭川陝皆預軍政其權任殆於宣撫埒矣

招討使 掌收招討殺盜賊之事不常置建炎四年以節度使張俊充江南路招討使定位在宣撫使之下制置使之上許便宜行事其隨軍轉運使及參議官幹辦官隨軍幹辦官書寫機宜文字並聽奏辟紹興五年岳飛爲湖北襄陽招討使請州縣不法害民者許一面對移或放罷以聞從之三十一年陝西河東北京東西等路皆置招討使蓋又特遙領其地而已

制置使 掌經畫邊鄙軍旅許便宜行事不常置政和

中熙泰用兵內侍童貫嘗爲之仍兼經略使中興置使
掌本路諸州軍馬屯防扞禦多以安撫大使兼亦以統
兵馬官充地重秩高者加制置大使位宣撫副使上或
置副使貳之後又詔諸路帥臣罷制置使之名惟統兵
官如故隆興以後或置或省開禧間江淮四川並置大
使休兵後獨成都守臣帶四川安撫制置使掌節制御
前軍馬官員升改放散類省試舉人銓量郡守舉辟邊
州守貳其權略視宣撫司惟財計茶馬不預又存沿海
制置使以明州守臣領之其職止肅清海道節制水軍
非四川比大使置屬有參謀參議主管機宜書寫文字

各一人幹辦公事三人準備將領差遣差使各五人餘隨時增損

鎮撫使 舊所無有建炎中范宗尹爲相欲假權宜以收羣盜請稍復藩鎮之制於是淮南京東西湖南北諸路竝分爲鎮除茶鹽之利仍歸朝廷置官提舉外他監司竝罷上供財賦權免三年餘聽帥臣移用更不從朝廷應副軍興聽從便宜時劇盜李成在舒蘄桑仲在襄鄧郭仲威在揚州許慶在高郵皆卽以爲鎮撫使其餘以處歸朝之人分畫不一許以能扞禦外寇顯立大功特與世襲官屬有參議官書寫機宜文字各一人幹辦

公事二人竝聽奏辟久之諸鎮或戰死或北降但餘荆南解潛及趙鼎爲相召潛主管馬軍遂罷其置

招撫使 不常置南渡後張所劉光世成閔張子蓋李顯忠皆相繼爲諸路招撫使竝未久而罷開禧以後復置亦旋罷

撫諭使 掌慰安存問採民之利病條奏而罷行之亦不常置建炎初金兵初退遣大臣撫諭京城士庶撫諭置使自是始其後或不以使名則稱撫諭官所至以某州撫諭司爲名乾道元年知閤門事龍大淵差充兩淮撫諭軍馬回日結局是又特爲軍馬出云

留守 副留守 自太祖以來巡守親征則命親王或大臣總留守事是爲東京留守其西南北三京留守各一人以知府兼之留司掌宮鑰及京城守衛修葺彈壓之事畿內錢穀兵民之政皆屬焉南渡初東京北京並置留守以開封大名知府兼又以掌兵官爲副留守其後復河南又置南京西京留守又武林建鄴並置行宮武林視東京而建鄴視三京焉孟庾爲行宮留守奏差官屬有主管書寫機宜文字幹辦準備差遣差使又有使臣五十員又置留司臺官一員後秦檜援爲例

總領 掌措置移運應辦諸軍錢糧以朝臣充號曰外

司農南渡初嘗命朝臣總領都督府宣撫司財賦建炎末張浚用趙開總領四川財賦置所繫銜總領名官自此始紹興十一年收諸將兵改爲御前軍分屯諸處乃置三總領仍帶專一報發御前軍馬文字蓋又使之預聞軍政不獨職餉餽而已序位在轉運副使之上十五年復置四川總領與淮東淮西湖廣共四總領所其官屬有幹辦公事準備差使四川增主管文字二人又各有分差糧料院審計院淮東西審計司以通判權湖廣以通判兼四川以屬官兼又各有大軍倉大軍庫淮東西湖廣又各有御前封樁甲仗庫贍軍酒庫淮東西又

有推貨務都茶場市易抵當庫惠民藥局湖廣又有給
納場四川又有撥發船運官贖藥庫糴買場

發運使 副使 判官 掌經度山澤財貨之源漕淮

浙江湖六路儲廩以輸中都而兼制茶鹽泉寶之政及
專舉刺官吏之事宣和三年方臘初平江浙諸郡皆未
有常賦乃詔陳亨伯以大漕之職經制七路財賦許得
移用監司聽其按察於是亨伯收民間印契及鬻糟醋
之類爲錢凡七色是後州縣有所謂經制錢自亨伯始
紹興初省罷以職事分委漕臣後廢置無常至乾道六
年竟廢

都轉運使 轉運使 副使 判官 掌經度一路財
賦察其登耗有無以足上供及郡縣之費歲行所部檢
儲積稽帳籍凡吏蠹民瘼悉條以上達及兼平反獄訟
專舉刺官吏之事國初但掌軍須餽餉太平興國以後
始總治一路爲監司之任至道中詔曰天下物宜民
利病惟轉運使得以周知令更互赴闕延見詢問焉祥
符詔轉運使副不限官品並在提點刑獄之上慶曆三
年詔諸路轉運使並兼按察使多務刻深凌轢州縣窘
辱大臣五年遂罷兼職祖宗時凡自兩省以上大臣除
者則爲都轉運使若王師征討則置隨軍轉運使事畢

卽停南渡軍興或令本漕隨軍移運或別置隨軍轉運使或諸路事體當合一則置都轉運使總之隨軍及都運亦不常置其屬有主管文字幹辦官文臣準備差遣武臣準備差使

提點刑獄公事 掌糾察所部獄訟及舉刺官吏之事乃監司之任也淳化二年置以朝臣充後罷歸轉運司景德復置增武臣爲副以閤門祇候以上充天禧改爲提點刑獄勸農使天聖以後再廢皆隨復雖去勸農而盜賊軍器河渠保甲封樁錢穀之類悉總之嘉祐三年詔吏人伎術毋得提點刑獄時武臣有以賄敗者神宗

亦謂武臣罕習吏文不足以舉察所部故熙寧專用文臣宣和諸路盜起詔增置武提刑一人建炎四年罷乾道六年諸路復置其後武憲稍橫遂不復除只除朝臣一人其屬有幹辦公事檢法官

提舉常平司

提舉茶鹽司

仁宗以前常平倉隸轉

運司以所部官專領熙寧以後始置諸路提舉常平官所掌常平義倉免役市易坊場河渡水利之法仍專舉刺官吏之事其茶鹽國初以隸發運司元豐間或以常平官或以漕臣或以憲臣兼領政和以後始置諸路提舉茶鹽官所掌給賣茶鹽鈔引通商阜財以佐國用凡

給之不如期鬻之不如式與州縣之不加恤者皆劾以
聞常平茶鹽兩司各有幹官中興常平司罷置不常或
別設經制司或以隸提刑紹興十五年乃改諸路提舉
茶鹽官爲提舉常平茶鹽公事於是兩司合而爲一川
廣無茶鹽則以常平隸提刑仍詔提舉官依舊法爲監
司

都大提舉茶馬司 舊制市馬在原渭德順三郡熙寧
復熙河命李杞等於成都買茶熙河路博馬並令杞等
提舉置都大提舉及主管同主管各因其資品高下除
授而杞遂兼馬政後分合不一至元豐中言者虐茶司

害馬政乃詔併茶場買馬合爲一司南渡紹興四年始命四川宣撫司支茶博馬七年依故事置茶馬官嘉定後分爲兩司文臣成都主茶武臣興元主馬其屬有幹辦公事準備差使

提舉坑冶司 掌收山澤之所產及鑄泉貨以給邦國之用國初凡鑄錢監係發運使兼提點咸平三年以副漕加兼都大提點又以內供奉官同提點景祐二年始置江浙川廣福建等路都大提點一員與提點刑獄敘官元豐二年始增一員分路提點遂定爲兩司在饒者領江東淮浙七閩在虔者領江西荆湖二廣紹興五年

或謂加都大於提點之上事權太重於是省併歸逐路轉運司措置仍置提領諸路鑄錢官一員於行在以待從官充自此或復或罷或去都大或仍加都大不一其屬有幹辦公事檢踏官催綱官

提舉市舶司 掌蕃貨海舶征權貿易之事以來遠人通遠物國初有廣州杭州明州市舶司以州郡兼領元豐始以轉運兼提舉後泉州亦置市舶司三路各專置提舉官或罷或復不一乾道初言者謂兩浙提舉冗濫乃罷歸轉運司惟閩廣不廢

提舉學事司 掌一路州縣學政歲巡所部以察師儒

之優劣生員之勤惰而專舉刺之事崇寧二年置宣和三年罷紹興中禮部言知建昌軍李長民奏宣和以前應知通令佐階竝帶主管學事自軍興以來中輟今欲依舊法從官以上知郡帶提舉學事餘郡知通以下竝帶主管學事從之淳熙中罷郡守帶學事

提點開封府界諸縣鎮公事 掌察畿內縣鎮刑獄盜賊塲務河渠之事

提舉河北糴便司 掌糴便芻糧以供邊儲之用

提舉制置解鹽司 掌鹽澤之禁令使民入粟塞下予鈔給鹽以足民用而實邊備

經制邊防財用司 掌經畫錢帛芻糧以供邊費熙寧
末熙河連歲用兵仰給度支費用不貲始置是司元祐
罷崇寧復置提舉兵馬提轄兵甲皆以守臣兼

提舉保甲司 掌什伍其民教之武藝元豐置于開封
府界下其法河北河東陝西三路旣而悉置提舉官

提舉三白渠公事 掌潞泄以給關中灌漑之利

提舉弓箭手 掌沿邊郡縣射地弓箭手之籍及團結

訓練賞罰之事政和復置以所招弓箭手之數爲殿最

撥發司 輦運司 掌以時起發綱運而督其淹留以

供京師之用

府州軍監

太祖思革藩鎮跋扈之弊謀於趙普乃召

諸鎮節度會京師賜第留之分命朝臣出守列郡號權
知軍州事軍謂兵州謂民政其後文武官參爲知州軍
事二品以上及帶中書樞密院宣徽使職事稱判太守
掌總理郡政宣布條教導民以善而糾其姦慝歲時勸
課農桑旌別孝悌其賦役錢穀獄訟及賑恤之事兵民
之政皆總焉所屬得保任材能按劾其不法不勝任者
若西南北三京知府兼留守司事其次州郡兼經略安
撫使馬步軍都總管又其次去經略又其次兼安撫使
兵馬鈐轄或兵馬巡檢各因其地望之高下與職務之

繁簡國初敎坊使衛德仁求外官且援同光故事請郡
太祖曰莊宗失政豈可效耶宰相擬州司馬太祖曰上
佐士人所處此輩但當於樂部遷轉耳嘉祐三年詔勿
用吏人伎術神宗慮武臣不堪任置審官西院磨勘之
嘗曰朕思祖宗百戰得天下今以一州生靈付庸人常
痛心疾首中興參用文武極邊控扼地仍差武臣其要
郡詔帶鈴轄次帶都監未幾罷乾道四年臣僚言天下
之事必歷而後知試而後見爲縣令者必爲丞簿爲郡
守者必爲通判爲監司者必爲郡守詔從其議

通判 掌倅貳郡政所部官得刺舉以聞太祖懲五代

藩鎮之弊既下湖南始置諸州通判以郎官以上充詔知府公事並須長史通判連書方許行下大郡二人餘一人不及萬戶不置武臣知州雖小郡亦置廣南小州有試秩通判兼知州者元祐初詔知州係帥臣通判不得同管公事南渡設官如舊入則貳政出則按縣有軍旅則專糧餉之責

幕職官 簽書判官廳公事 節度觀察防禦團練軍

事推官判官 節度掌書記 觀察支使

俱從八品

掌裨

贊郡政總理諸案文移斟酌可否以白于其長而罷行之州大小員數不一政和改簽書判官廳公事爲司錄

建炎初復舊凡節度推判官從軍額察推及支使從州府名凡諸州減罷通判則升判官爲簽判兼之小郡推判不並置或以判官兼司法或以推官兼支使亦有併判官窠闕省罷則今錄參兼管

諸曹官 錄事參軍 戶曹參軍 司法參軍 司理

參軍

俱從八品 中下州諸司參軍俱從九品

國初諸州間置錄事乾興

始各置慶曆中河東西諸州權令京官知錄事參軍掌州縣庶務糾諸曹稽違戶曹掌戶籍賦稅倉庫受納司法掌議法斷刑司理掌訟獄勘鞫五代諸州有馬步院掌刑法蓋以牙校充馬步軍都盧候也州鎮專殺而牙

較輕視人命開寶六年詔州府並置司寇參軍以諸科
賜第及選人充後改司理參軍政和三年銓事諸曹並
去參軍字曰司錄事曰司某曹事中興曹掾依舊注選
惟司理司法注經任及試中刑法人州佐又有判駕長
史司馬俱正九品司士文學助教俱從九品並鮮除人

教授 宋初學徒講誦有廬山白鹿洞太平興國二年以知江州周

請賜高陽書院至道二年賜院額及印本九經嶽麓書院咸平四年以

允則奏下國子監降釋文等書應天府書院國初戚同文授徒後無能繼者大中祥符三年新建

書院詔以曹誠四書院外又有茅山書院時猶未建州

學也乾興初兗州守臣孫奭建學聚徒乞請太學助教

楊光輔充本州講餘鎮猶未置學也景祐四年始詔藩
鎮立學慶曆四年始詔州軍監各立學置教授訓導諸
生掌其課試而糾正不如規者委運司及長吏於幕職
州縣內薦或本處舉人有德藝者充熙寧六年詔諸路
學官委中書門下選差至是始命于朝廷若試教官則
始於元豐添差教授則始於政和

縣令

兩赤縣令正七品
畿縣令俱正八品

京畿縣令三京赤
餘縣令從八品

總治民

政課農桑平獄訟凡戶口賦役錢穀振濟給納之事皆
掌焉有孝悌行義閭鄉閭者上于州激勸之令三年一
注畿內縣爲赤爲畿天下縣四千戶以上爲望三千爲

緊二千爲上千爲中不滿千爲下開封祥符則爲赤縣之首若京朝幕官宰縣號知縣事有戍兵則兼兵馬都監或監押政和以來人皆重內輕外而吏部兩選不注縣令者甚多建炎多差武臣紹興詔專用文臣然沿邊溪洞處仍許武臣指射又詔自今不歷縣令者勿除監司郎官不歷外任者勿除侍從著爲令乾道以後縣令定以三年爲任仍非兩任不除監察御史初改官人必作縣謂之須入淳熙中詔特奏名人母授知縣縣令慶元中詔除殿試上三人南省元外竝作邑後又命大理評事已改官未歷縣人竝令親民一次著爲令

縣丞

兩赤縣丞正八品餘縣丞俱從八品

主簿

尉

兩赤縣尉從八品京畿縣尉從三

京縣尉

尉俱從九品

掌貳縣政天聖中始於開封

祥符兩赤縣置丞一人皇祐中詔赤縣丞并除新政官

人熙寧行新法凡繫劇縣各置一人中興詔係嘉祐以

前員闕并苗戶處存留餘並罷簿在尉之上掌出納官

物銷注簿書尉掌閱習弓手戢姦禁暴國初惟千戶以

上縣置令簿尉餘或以令兼簿或以簿兼令咸平後諸

縣多置簿至和增置開封祥符各一員若不置簿則以

尉兼之南渡後縣不置丞者則以簿兼之自五代以來

多用軍校為縣尉大為民患太祖從趙普請以初賜第

人充真宗詔禁縣尉非法用刑詞訴者悉歸之縣中興
沿邊諸縣間以武臣爲尉亦或文武通差

鎮砦官

從九

鎮置於管下人煙繁盛處設監官管火

禁或兼酒稅之事砦置於險扼控禦處設砦官招收土
軍閱習武藝凡杖以上罪並解縣餘聽決遣

廟令 丞 主簿 舊制五嶽四瀆東海南海諸廟各

置令丞廟之政令多統於本縣京朝知縣者稱管勾廟
事或以令錄耆耄者爲廟令判司簿尉爲廟簿掌葺治
修飾之事

巡檢司 掌訓治甲兵巡邏州邑擒捕盜賊有沿邊溪

峒都巡檢或蕃漢都巡檢或數州數縣管界或一州一縣巡檢又有刀魚船戰棹巡檢江河淮海置捉賊巡檢及巡馬遞鋪巡河巡捉私茶鹽等各視其名以修舉職業皆掌巡邏譏察之事中興後凡沿江沿海招集水軍控扼要害及地方闊遠處皆置巡檢一員往來接連合相應援則置都巡檢總之皆以材武大小使臣充聽所在州縣守令節制本砦事竝申取州縣指揮若海南瓊管及歸峽荆門等處跨連數郡控制溪峒又置水控都巡檢使或三州都巡檢使以增重之

監當官

掌茶鹽酒稅場務征輸及冶鑄之事諸州軍

隨事置官凡課利所入日具數以申于州

總管鈐轄司 掌總治軍旅屯戍營防守禦之政令或

一州或一路有兼兩路三路者舊制都總管以節度使

充副總管以觀察以下充或文臣知州則管勾軍馬事

舊相重臣亦爲都總管有禁兵駐泊其地者以駐泊冠

之初名部署慶曆八年改爲總管若鈐轄舊以朝官及

諸司使以上充官卑資淺則去都字崇寧中以蔡京言

置京畿四輔郡以知州爲都總管仍兼副總管鈐轄靖

康初詔四道副總管並通差文武臣建炎分置帥府以

諸路帥臣帶都總管要郡守臣帶兵馬鈐轄次要郡帶

兵馬都監並以武臣爲副稱副總管副鈐轄副都監許
便宜行軍馬事辟置僚屬依帥臣法遇朝廷起兵則副
總管爲帥副鈐轄都監各以兵從聽節制紹興三年要
郡次要郡守臣罷兼兵職其逐路副總管依舊格改充
路分都監各州鈐轄或省或置不一

都監 路分兵馬都監掌本路禁旅屯戍邊防訓練之
政令以肅清所部建炎紹興沿革凡上其州都監以大
小使臣充掌本城屯駐兵甲訓練差使之事兼在城巡
檢資淺者爲監押或雜用文臣其後止用武臣

諸軍都統制 副都統制 統制 統領 舊制出師

征討立都統制一人以總統諸將未爲官稱也建炎置御營司擢王淵爲都統制名官自此始旣而神武五軍及川陝宣撫司都督府樞密院皆置紹興十一年三大將兵罷諸軍皆冠以御前二字擢其偏裨爲御前統領官以統制御前軍馬入銜秩高者爲御前諸軍都統制以屯駐州名冠軍額之上其後江陵興元建康鎮江諸府興金鄂江池諸州及平江許浦水軍皆除都統恩數略視三衙權任在帥臣右設屬有計議機宜幹辦公事準備差遣省置不一初以秩卑者稱副都統制乾道中增置副都統制一人兼領軍事其後都副鮮並除者自

渡江後大軍又有統制同統制副統制統領同統領副
統領其下有正將準備將訓練官部將隊將等名乾道
中洪邁建議禁兵罷都統制之名以復三衙舊制不果
行語見前諸路又有將官始於熙寧語在兵志

吏人 文武諸司皆分房置吏唐謂之流外銓以其未

入九流者也宋沿唐制試而後補有名號者曰錄事中書

門下省曰主事三省樞密院正八品曰守闕主事同上曰令史同上曰

書令史同上曰守闕書令史樞密院正九品曰守當官曰守闕守

當官曰都事尚書省正八品曰副承旨樞密院正八品曰正名曰私名

曰貼司曰典書曰楷書曰貼書曰法司曰孔目官曰開

折官曰勾押官曰驅使官曰胥史曰胥長曰胥佐曰府
史累朝員額有增省熙寧以前樞密院吏遞遷都承旨
蔡京爲相堂吏遷至中奉大夫或換防禦按察使王黼
爲相擢曹州胥吏至承宣使詳見選舉志